

永寧縣志卷之八

永寧縣知縣賴能發輯

藝文志第八

紀述  
碑文  
詩詞  
賦

子長史記詳載列國大夫之文孟堅漢書並錄董  
賈王楊之作非獨借彼英華潤我史籍誠謂文章  
與時高下人心風俗具徵於是廼觀風者所必采  
也寧隸文獻奧區名公宗匠崛起輩出遷客騷人  
絡繹往來巨筆宏詞宜不勝載而登鏤者甚夥豈  
韓陵一片石之謂哉亦存什一於散佚之餘令後  
之適魯而觀易象春秋者或可嘗一嚮而知全鼎  
之味也志藝文

紀述

文賦云觀才士之所作竊有以得其用心如范希  
文記岳陽樓發憂樂之旨李大伯記袁州學究教  
學之原斯為有關世教否則玉卮無當雖寶非用  
洵有如左大冲所云也寧文之紀述稱名取類匪  
等虫技檢其言近旨遠者登之掛漏奚病焉

廻碧軒記

邑令 陸時雍

寧處萬山中民耕鑿而嬉遊供賦無漕輓之苦咸稱樂土而宦於斯者憚夫險阻且虞有潢池之警或不懌焉嘉靖丁亥春仲余以疾倦事自上高調至由永新易小舟閱一旬始達所謂濠嶺江口者又陸行十五里入城蒞政甫三月以公事往謁郡侯出至江口登舟午憩無所飯於樹陰下顧瞻山川秀麗舟車相代賓旅往來當有屋以寓止乃周視左右得近地淫祠前後二棟歸令巡檢夏清督鄉民謝遠張廷全奪其前楹遷之江口余於是月

永寧縣志

卷之八

紀述

二

十七日偕范簿清往規厥址課匠事得江涯上隙地正當兩水合聚其下遠山如屏猷竒左右余喜謂僚庶曰得之矣宜屋於是越二日乙未落成公私弗擾民咸宜之是日丞劉君志全尉朱君昌而學諭李君懋訓導蕭君繹林君應開繼至皆携酒穀而樂觀於斯余曰茲軒據江口之勝萬頃一碧而山之碧秀應之顏以迴碧可乎僉曰稱請廣其義予惟天一生水水其地脈而火土之高且峻者為山天下之水大率自東流而山盛於西北今永

寧城南水發源邑東鵞口流於西將十里抵於江  
口始合礮頭漿山水會於軒之下而東焉山既昂  
削而水注下日夕如射漱石搏沙了無停蓄則是  
邑之秀縣治弗能凝而背出之宜斯俗之樸而質  
也余之搆是軒雖為往來憇而實將以廻山川之  
碧以凝於人也夫俗樸則淳未漓質則文在內余  
喜此固未雕之璞爾得王工之善者治之為珪為  
璋何難輝山而媚川哉余願邑之士民抱吾之樸  
質力耕而勤學率

永寧縣志

卷之八

紀述

三

聖世之教化為太平之俊良以廻吾在內之眞碧而  
毋效夫慧而黠險而健者之為也余名軒以廻碧  
盖不徒作矣僚友咸舉酒祝之曰博哉斯言適有  
舊石遂請書為之記

永寧縣治記

湖西道

施閏章

愚山

永寧之為縣也始自元至正析永新勝業鄉地鵞  
峰玉筍諸山盤錯如蚕叢距郡最遠壤僻以貧口  
賦不給明末縣治災二十餘年不克復吏皆奪民  
舍今莊君梯雲受事三載始力新之不耗帑不浚

民烝徒咸集期月以成左為鵞峰書院悉仍舊規  
邑進士謝君上舉來數百里以其圖謁記夫君子  
之於民也毋苟勞毋苟逸苟勞則擾苟逸則窳古  
之人有聽訟樹下者豈不欲簡易親民哉而取義  
於嚮明南面而治者所以明有等示民不佻也故  
為政者在予民以可親不予民以可狎寧固蕞爾  
邑民社在焉今使一邑之長與葦門圭竇之民比  
戶雜處執事無所尊卑上下無辨豈政體然哉余  
參藩湖西四稔矣寧民之質訟者不數人甚矣其

永寧縣志

卷之八

紀述

四

樸且簡也莊君又治以無事訟獄衰息賦稅克供  
其民安之謂邑父母不有其署則吾儕小人弗有  
其廬故雖百工力作而民不為病民之願也宓子  
賤宰單父不下堂而治在能取人寧不乏二三賢  
士大夫試以時詢利病梳爬噢咻政平事簡其可  
鳴琴坐理綽爾也然山民易馴亦易獷寧北枕七  
溪西接漿山實與楚茶鄰相逼處多賊盜藪歲比  
水旱山谷僻遠其暴桀尚氣之徒或相煽為奸往  
往有之其日進父老子弟訓飭之以禮義俾先賦

稅務詩書敦本崇讓毋聽邪說阻聲教以椎野相  
雄長司牧者之責也謝君曰然請書之乃作歌示  
吏民曰寧之山盤盤兮宅民以安兆人用歡寧之  
石齒齒兮義民以理遠人至止爾父兮爾母邑以  
永寧俾民淳古

重修儒學記

聶豹

永寧故有儒學圯而不修四十年矣乃嘉靖癸巳  
熊侯特請於上撤其故而新之而大備其費則科  
於公帑得贏金若干以不足復捐俸倡民又得金

永寧縣志

卷之八

紀述

五

若干肇工於癸巳之八月越明年四月十九就緒  
也巋然改觀而寧之校至是始可與吉之諸邑稱  
先是甲午春予與東廓鄒子暨九邑諸友會講於  
隄之青原山侯嘗肅庠生謝某周某尹某徵記於  
山中予未有以報也丁酉臘月新令至丕承厥烈  
亦惟於學政是謀乃復戒三生速予言予曰嘻諸  
生其知所以為學乎我朝以舉業造士崇理學也  
理學大明於宋故談理之文無慮百家而足以詔  
後世繼絕學者篇凡有四曰易通曰定性書曰西

銘曰易傳序今之業舉子者有一於此乎有一於此乃珠晦而驥逸焉謂為有司之罪宜也而世恒慮夫有一於此者之未易得也蓋四子之文四子之學也是豈可以摹擬藻飾焉哉是故持格剛方如伊川守禮嚴密如橫渠學者苦其入而難之或然矣乃無欲主靜之教大公順應之學皆原人心本體之易簡日可見之行也日可見之行而文生焉是謂天下之至文如易通定性書佐佑六經卒為百代殊絕之見光天下以為瑞蓋不但係一方

永寧縣志

卷之八

紀述

六

盛衰云也而世每厭其易簡以為不足為而日沾沾焉循格守度以取必於有命之得及其不振而遂諉罪於山川之數有司之不明是豈侯之所望也侯姓熊欽名桂之臨桂人新令覃潯陽人也名煦邑博南海林滋江浦吳麟董役勤勞則義官某俱於法得書

改建儒學記

副使

史

翊

永新人

寧在吾邑西南其岡巒雄峙秀接義禾而川源灤迴又與禾川琴亭諸水環合滙注土產茲鄉樸茂

俊穎談詩書敦尚實行視吉郡諸邑淳龐殆未斲焉舊有學在縣治之西地勢淺隘陰陽向背失宜議者以為非昌熾之徵謀欲遷而未遂適順德倫侯來令茲邑政先大體以興學育才為首務朔望禮先師進諸生講誦已而校菽品隲仰而嘆曰邑非人才不足之患而士氣之未振得非儲英之地有未宜乎乃環視邑之境內相其地勢平曠山川秀結風氣攸萃得縣治之東舊廡一所躍然喜曰是足以妥

永寧縣志

卷之八

紀述

七

聖靈而儲育髦士矣請諸代巡邵公守巡胡公唐公大守楊公咸允所議乃捐其俸資以倡之而邑民之慕義者亦樂為助經始於萬曆己卯之冬越明年庚辰秋工告竣凡廟之為殿為廡為門學之為堂為齋為號舍翼然改觀敬一有亭聚奎有樓名宦鄉賢有祠凡位置名物有關於學者罔有不飭視其基則隘者拓而宏矣視其位則卑者尊而崇矣視其材則腐者易而固矣規制軒豁偉麗出塵囂而挹清曠人之襟懷瞻視不自知其暢且適也

樂其成者入而問之侯侯曰非吾之能吾民之好義所致出而問之民民曰吾侯為之而吾不知也卽舉而質諸士士曰民之言然於是庠士謝生秉異陳生懋典謂侯嘉惠之功不磨時學博陳君命索記於予予曰茲舉也其寧庠丕振之一機乎夫聖人之道昭然如日之中天士群處於學宮而以六經之道廸而訓之欲其明大倫崇正學識治體探化源以成士君子之行以豫公卿百執事之選而人才之盛衰俗化之厚薄於茲焉繫然士必有

忠信之質而後可以進道必鼓舞作興而後轉移有機焉寧士渾樸未鑿眞淳未漓衣冠之胄於禮樂之習彬彬然矣而倫侯又為之更置學基宏遠其規模而昭曠其氣概固事與時會機與天合者也士於此必感激思奮爭自濯磨瞻廟貌而深仰止之思覩堂奧而懋優入之志藏修游息日取聖賢六經之旨體而玩之精思力踐卓然以眞才自期待時而蜚英騰茂則隨其所至懷仁負義不媿為名卿大夫卽未遇而好修自重亦思以孝悌忠



信不失為士君子之行茲固寧多士美質所優為而實倫侯棧樸作人之化可遙觀厥成者信哉斯文丕振之一機也詩曰清廟奕奕奚斯所作孔曼且碩萬民是若請以是為倫侯誦又曰彼都人士狐裘黃黃其容不改出言有章行歸於周萬民所望因以是為庠士勗焉倫侯諱天秩號惇吾粵之順德人登隆慶丁卯進士潔己愛民懋著廉平之譽其德惠之洽浹於民者最深建學特其一端云

重修儒學碑文

工部尚書熊一瀟南昌人

永寧縣志

卷之八

紀述

九

吉州文獻名區自宋以來道德節義巍科高第冠蓋四海炳蔚 歷朝喬皇史冊指不勝屈鄭溪屬吉僻地也代有傳人我

朝定鼎登進士第自鄭溪始竹林濟美甲乙相繼甚矣地之不可囿洵知崇尚禮教敦重絃誦固其所也獨是苦於兵燹遭寇氛而蹂躪者七年微僅縣治聿新於今如黌宮半屬傾圮壁椽垣墻僅存形跡廊廡不治齋舍蕩然幸歲之庚申仲春得

邑侯陳公

諱

欲達膺授茲土謁

廟思敬憮然曰 聖位不肅俎豆嫚褻堦綠草苔  
蕭然曠郊咏青衿而鮮嗣音誰職其咎且庠序誠  
造士育賢之地講學肄習為士之肆顧而問曰向  
時規置經造者幾何年營創者幾何年庠之諸士  
歷舉以對寧學幾遷矣今之選形勝者自上海陸  
大父起龍瑞金鍾學博改建於斯庀材鳩工崇簷  
雕甍翼翼其新秩秩其序諸無不備未幾而際改  
革燬者存者僅得規模

興朝順治十七年五臺閔公諱士樟來治是邦欣然

永寧縣志

卷之八

紀述

十

以尊

聖崇儒為己任亟謀興復 文廟巍然燦然廟之未  
備者得倪公諱德基勸告厥成嗣是而明倫堂啓  
聖祠鄉賢祠則又成於今

皇上之十二年有邑侯楊公諱顯宗大其規制崇閣  
數仞堂宇閎深視昔功倍甲寅迄今兵戎交訌藁  
莽愴心士則晨星落落民則哀鴻嗷嗷未可名狀  
而 陳公授事甫月每以學宮之規制未復興寐  
不忘立談坐語念茲勿釋又得江南副府王公諱

顛若羅公諱得勝皆心 陳侯之心而留意宮牆  
葺補大畧庀工月計 兩戎使報遷鶯矣而 陳  
侯悵然於懷自去秋迄今春稔於籌畫曰寧庠奚  
甘不復乎第時勢維艱欲釀金錢則正供尚逋於  
民間瘡痍方起欲征力役則又重困吾赤子爰集  
兩學博曰需材幾何為工幾何瓴甃之所費幾何  
力役之滋繁者幾何拮据而圖以期落成必如昔  
之翼翼其新秩秩其序方為得之遂捐貲送學必  
欲重煥規模一一如度高廣得宜即戟門櫺星泮

永寧縣志

卷之八

紀述

十一

池牆垣未可闕略且也蒞任以來奉行儒圖之法  
俾士子得勤業於詩書而不苦差徭是則侯之造  
士育賢敦重庠序至無已也余姪學麟司鐸鄭溪  
邑之紳士屬余姪歷叙其由索記於余以誌 陳  
侯之蹟余曰善政善教 陳侯兼有之綱舉而目  
張何必過為之辭即所述鐫之碑石垂之永久殆  
將合前令而先後一轍焉是亦不忘教澤至意無  
容贅時康熙二十二年仲春月望日記

鵞峰書屋記

邑令 陸時雍

余得調之永寧既至即葺臥室之半為靜廉書舍矣秋暑劇余讀書其下煩窘弗能容乃復構屋於廡之東南中楹高一丈橫縱視之兩楹則縮其式也伐材於山鳩工於府計不足毀淫祠而益之以瓦甃榱桷輿隸逸俾助厥役民罔聞知蓋佚吾病拙者而無敢續所司也初余至愛邑東鶯峰翠削為諸山冠白雲吞吐晨昏獻竒而又有近山之襟帶松陰如幄望之蔚然森秀可以笑傲而忘其身之顛越且凝神定躁得此助良多爰課匠屋以對

之乃名之曰鶯峰書屋楣之扁曰求放心簷短而日色曛射又前為蓬軒制皆素朴費亦廉前後種松杉竹柏各幾本蘭菊兩畦因鑿土培址而方塘成環以檻焉二鶴常從之遊亦若樂於斯先是有守廡園丁見余治室栽樹之勤跪而言曰吾見幾令矣令去而屋亦毀何有於樹焉無益請節勞余嘆曰吾盡吾職適吾情而已物之成敗有數吾何有知雖然昔李文饒平泉莊成遺言戒子孫曰壞吾一草一木者非吾佳子弟也古今笑之以為隘

陵谷有變遷况莊乎哉然斯言在文饒則為自私誠隘也在吾有官守者公物而利於治斯亦警語也今天下之吏於土者視已如羈旅視邑如傳舍去之日截棟為薪拔門為牀吏卒從而效尤罄口靡餘而何草木之有乎書屋之成固余經畫之悉而幸弗擾於民然推其極秋毫亦永寧力也知此意也斯可語令矣文饒之戒安知非為不善新公宇者而發乎余既倡詩而和者相接盈若干篇適永新胡以信在寓善畫乃□之成卷以歸彼夫醉

永寧縣志

卷之八

紀述

十三

翁所謂日出而林霏開雲歸而巖穴暝四時之景不同而樂亦無窮者斯亦有之矣卷附靜廉書舍記者見是屋所以成之故□聞蘓東坡藤縣公堂記云宮室有所從受而傳之無窮今日不治後日之費必倍余故不避嫌凡有廢者為之葺之然恐或厲民因書數語以告來者

靜廉書舍記

邑令 陸時雍

鷺峰自上高轉任永寧永寧者江右吉屬邑居萬山中近楚之衡山小而僻民足魚稻政視他邑為

簡是故鷺峰懼飽食而逸也乃治讀書之所而署  
事寢室外無餘屋焉鷺峰自謂吾宦情薄蹇讀書  
吾常叢也姑因寢室之外之西楹葺以竹笆圍以  
書檻其方如斗僅容凡椅面牆背壁童子莫得而  
入鷺峰怡怡也適都昌顧丞以晦翁靜廉二字□  
□□至鷺峰扁以顏是舍或者訝之謂鷺峰簿書  
錢穀吏□副其將自欺欺人耶鷺峰聞之顧瞻其  
舍笑且言曰斯言是然夫靜廉非謂余也謂余所  
處也邑不踰萬家城弗及二里飛帆走騎續食假

□者歲或一見而無造請期會之煩縟非靜乎賦  
萬石帑不盈數金從卒視諸掌椽吏顛偶人非廉  
乎且言吾居也破屋數間風雨罔蔽短垣頽□一  
枝足棲陶瓦供具弗備貸於同官課童藝蔬春稻  
風味大逼田家謂靜廉不可也耳目之所及者樵  
歌牧唱猿啼虎嘯白雲幾封青峰數點顧居陋弗  
稱周植以松竹謂非靜廉不可也雖然吾非惡是  
而他慕也命之所值安之而已矣抑將因是以求  
吾心之靜□也且古之識高興遠者多於深山長

谷中得之吾方樂於是而讀書焉人將謂吾不堪  
耶鶯峰者永寧東之名山秀拔晴空與所居對陸  
子來永寧愛之即引以為主曰鶯峰也或者遂書  
所語為記鶯峰主人書

邑侯懷泉張公去思碑

大常  
卿

王時槐

安福  
人

懷泉張侯蒞治永寧政績茂著按臺陳公曰是有  
異材永寧未足盡展也惟武寧故稱難治宜改命  
往治之乃疏請於朝報可侯遂釋邑政奉新命之  
武寧行有日邑之父老子弟遮留不可得則相率

永寧縣志

卷之八

紀述

十五

走螺川謁余曰惟吾永寧自建土置吏以來前令  
固多材賢顧豈弟廉明不鄙夷吾民而畢志殫慮  
因俗開牖以馴揉孚翼俾山幽谷邃之夫各適其  
性實吾張侯之德曷可忘今且去吾邑願一言記  
其事以繫吾民之思余曰夫長民者蘄以行志固  
無人德我之望論政者貴於採實尤深忌過情之  
嫌惟爾邑人眷眷焉於張侯其非矯飾而近諛也  
審矣盍試陳其一二以明徵信可乎於是諸父老  
人伸其說繁委而勤切余乃得侯所為永寧者大

指謂侯精勵振刷而不涉煩苛慈惻渾博而洞□  
微隱催科酌定其期得用一緩二之意輸稅聽民  
投匭無溢數浮羨之征訊訟必悉兩造之情而願  
釋者弗問正法以示不率之懲而株連者特宥惟  
以久散為矜故平反而無失入惟以畫地為恤故  
訊決而無停禁可以息紛即獄牘無必於成也可  
以緩責即贖鍰尤寬其罰也事必親裁故胥吏之  
弊自戢政崇體要故追呼之擾不聞置義倉以備  
歲歉勸樹麥以廣地利審編戶冊聽民自便而夙

蠹自清舉行鄉約誘民為善而頑俗漸化優禮耆  
碩之賢表勵幽貞之節葺儒宮而周貧士卻儀餽  
而嚴請托動無纖違更僕莫罄他如鑿七溪之峻  
嶺為冠蓋之坦途得佚道以使民遂功成於不日  
總之貽利於一方亦宜特書以示後至其矚然自  
持冰寒而玉瑩實出天植不強而能此其志節勁  
毅尤非凡近所可窺者矣邑孝廉龍子遇竒余及  
門士也復於余亶亶誦述視邑人不異且曰邑人  
勒石繫思曷足為侯重雖然宣仁聞以勸來者將



世風有賴焉先生得無意乎余乃不得辭竊嘗謂通都大邑其人習侈而多文誇揚而自矜故能結不情之歡馳誕謾之說以銜一時之美觀獨吾郡之永寧地最僻而俗尚樸彼其民不習諛詞有漢人技柱之遺風者豈知假飾文詞以獻諛於去任之令長哉今張侯德政乃使闔邑細口依然若嬰孩之戀乳哺於慈母也此豈聲音笑貌可及者耶以余所聞邑人之言殆亦不過得什一於千百耳何則彼其感於心者獨深而誦於口猶訥也蓋

永寧縣志

卷之八

紀述

十七

余周龍子之言而益信焉昔賢謂民心至愚而神然則凡為司牧者安得草菅其民而不本至誠以孚格之哉即張侯之係思於寧者可觀而興也侯名應徵蜀之南充人發跡巍科蒞任以萬曆庚寅十一月離任以癸巳九月

□邑侯浣瀾張公去思碑

刑部  
給事王如堅

安福人

今

上御極之二十五年浣瀾張公令我吉郡之永寧蓋三朞於此兩臺使具嘉其治行以寧邑不足究厥

施交章移之湖口侯旣去寧之士若民不啻其免赤子於懷也相率豎碣以紀其政用識不忘邑宦謝君寧祿與孝廉龍君遇奇狀其概介命庠士徵余言余則卜山之深卜林之密且有日月矣顧獨我黜邑賢長吏不獲舍然於懷若浣瀾張公其人余讀狀因緣悉張公大都謂輦上君子奈何易吾邑甚哉邑洵稱蕞爾安見其非邦也前是令我寧者為懷泉公不三年用卓異移武寧迺又不終惠我令張公民方狎政而遷之湖口旣以兩公賢則

我寧與二邑何擇焉六七年間兩予兩奪何其甚易吾邑也乃公則不忍易吾邑其賄永利以開寧者三彼其色玉而中石堅懸饋之操固曰我官箴實然即所稱闕更緩征平訟已責於公為細不具論論其大者邑固礪鹵民鮮蓋藏閭左往往乏兼辰之業公為課其墾殖辟菑禁惰又捐餐錢若干剏義社督程編戶裁闊狹為會歛令所在自為蓄積以碩計者二千三百有奇曰卒然有急吾儲此以待之足矣距郭而北數十里有七谿山谿訝岭

嶮行者後先頂趾相屬賴公畫鑿險夷蹬易為莊  
馘更設亭濬井以休舍往來道無罷者邑牀迫叢  
巒其秀民事詩書者什一公修讀法之制勸誘囂  
悍暇則召社學諸生躬自掖誨以時接見校士削  
劘相期被其刮鏃者罔不思被濯自新至於今培  
固而雅斌斌埒於旁縣則誰以之公今即去吾邑  
吾民其曷能宴爾去公哉雖然惟公能開利永我  
寧惟先生能永聞於我公其惟錫之貞珉夫今之  
君子擇地而蹈一當陬區蕭然靡措計一旦代去

逾於傳郵今由謝君所稱詭夫侯寧有理外竒舉  
方略耳目若昔人哉惟侯席其沃而能弗嗤其瘠  
也為畷擁殖之席其麗而能弗嗤其喬也為能澡  
飭之中忘於釋若自其家理之者斯是以為不可  
去耳嚮使侯以神自畜鄙夷其嗤民而故為麗駟  
則一日之謂多寧渠有既去而愛徵若茲則信乎  
在彼不在此耳且以寧之僻邑在遠令之者夫必  
曰其誰以我為虞其將聳肆焉及今一賢令必知  
之而必更之又一賢令必知之又必更之若從堂

視廡時靡有忒維日今令爾寧者朝夕戒嚴若列  
在交戟之內奉侯勿失因跡而治則侯之利我寧  
也終無已時是則輦上君子所為以永寧重也若  
此安所言易哉侯名紀華陽人初為陝西真寧縣  
洎今任凡三為令各有聲與懷泉張侯竝為蜀人  
云

鄭溪書院記

鄒元標

今有人焉啼饑必與之食一不得食則斃有人焉  
號寒必與之衣一不得衣則仆此人人所易知也

永寧縣志

卷之八

紀述

二十

倘有人語之曰人不聞道不知學必有甚於饑寒  
者爾知之乎則人之應之也唯唯否否惟真知學  
寧可饑寒而死不可不聞道而生聞道即一日千  
古一息萬年不聞道即百歲亦與草木漸滅殆盡  
故曰逸居無教近於禽獸今人之異於禽獸止此  
幾希此幾希之性與天地竝垂與日月竝耀四時  
竝序鬼神竝吉凶上之為聖人次之為賢為君子  
又次之為一鄉善士皆此性也人知吾里賢哲彬  
彬即一命士出而有為孰知得於學者深哉先是

永新少原余侯倡明新會於禾川諸在座者曰寧與永新兄弟之國冠帶之盟惜不得與其間衆僉謂其邑人物淳龐山川卓詭必有明德君子應時起者乃不久而今侍御紫海龍公起秉質清淑操行純粹自為令以至巡方皆以學與士民相為煦沐金華西秦橫渠陸君子之里士民之聞學也耳根既深未易感動咸服公無間言公之學可知已會公報命還朝乞歸日與里父老子弟游察其樸而易入也與之語學諸父老子弟聽公教指相率

捐金助公創譚學館於鄭溪之墅萬山翠峯一水潏洄雅稱勝地明府力襄其成申聞當道以為盛事咸報可又率其子弟屬余記余謂談學於數所習聞之地人非溺於意念則柴於見聞其入也恒難談學於鄭溪無意念見聞牯其天真其入也恒易男兒戴天履地天聰天明賅而存焉為仁由己於己取之而已先儒曰仁者以天地萬物為己認得為己何所不至諸君勉哉真知不聞道有甚於饑寒者在必聞道而後為不虛生非媿耻則志不

奮非默識則神不潛非困心衡慮則入不深學如大明處惇淳俗出為蓋臣入其鄉者如游化國侍御之開來明德千萬世與金華西秦橫渠陸君子流風愈久愈新徵侍御之學出與處皆一致矣

重修文廟序

邑令 張 曉

按邑乘邑之 學宮始自明初及崇禎年間改建今地迨其季年灰燼無餘我

朝順治庚子前任閔公鼎建仍新址甲寅後兵毀之康熙壬戌前任陳公修葺如初其間興廢不一大

永寧縣志

卷之八

紀述

二十二

要以時治為盛衰壬寅冬余奉 簡命令茲土每登學宮即以湫隘衰頹為憾余又宦囊蕭索其功艱於獨任故有志未逮又以為憾夫國家盛治遠紹唐虞寧雖小邑學宮實為育賢之地固宜輪奐爽塏超越前代茲之湫隘衰頹甚非所以崇師德而資講習也故忽忽數年事不克舉而耿耿於中者殆如一日今年春諸紳士以修學宮請余謂此余志也因為之立簿記以醵士民金蓋獨任則難分任則易也昔者康節居洛洛之士重其人故富

公與司馬公諸君子二十餘家爭集錢買宅以贈  
今寧之重

孔子奚啻洛之於康節寧好義之君子又奚啻二  
十餘家誠使赴事者以後羞集錢者以少愧則安  
見衆功之不易舉也又嘗考邑乘我

朝定鼎吉之登進士者自寧始則寧固代有傳人  
況今之人士涵濡聖澤既久躋躋蹒蹒於他邑漸  
無多讓豈人文既盛而學宮終不輪奐爽塏超越  
前代而聽其湫隘衰頹也有是情哉然而斯舉也

永寧縣志

卷之八

紀述

二十三

余與諸士民固無容諉也其尚一乃心志俾功有  
必成則學宮為發祥之地而甲第蟬聯自足後先  
輝映以鳴國家之盛無難矣詩曰肇禋迄用有成  
又曰長發其祥余固於諸士民有厚望也

修建

邑令

劉德清

龍亭 學宮碑文

盖夫乾坤初定道出羲皇河洛既昭中傳堯舜從  
大龜之錫禹暨元鳥之生商與夫周京豐鎬治統  
相承皆精一之旨降自春秋漢唐而後文章禮樂

無不折中於

至聖我 孔子固為萬世之師惟

當今皇上道洽三才功高五帝弗存已治已安之思  
仍凜惟時惟幾之勅仁言仁聲乃經世之大法善  
教善訓悉覺世之良謨奉頒

上諭誠如日月經天江河行地大而綱常名教小而  
日用起居無不周詳發精一之微言本忠恕之聖  
心大有關於 國計甚有益於民生傳之閭巷可  
以化民而齊俗播之窮鄉可以講讓而興仁是又

永寧縣志

卷之八

紀述

二十四

以君道而作師道矣宜乎 上憲亟思懸示之方  
飭建昭宣之所忝屬臣工孰不割俸敬謹奉行惟  
是紳士僉曰

聖天子在上政邁唐虞道媲尼山生等向因學宮傾  
頽雍正四年僉某等十人為首事倡捐重修歷今  
十年而始竣 大成崇聖二殿煥然一新兩廡名  
賢各祠同為重創司文帝君則已建閣明倫講學  
則已建堂以及泮池門牆無不備美購地庀材瓦  
磚灰石匠斲工役計費一千四百餘金尚存餘地



原欲修建

龍亭適在明倫堂之左 崇聖殿之右今

上諭殿亭建於其間不惟草莽之士咸便瞻仰且見君師竝重余聞而喜曰若是乎敬之至矣爰卜吉於乙卯孟秋以興工遂畢工於本年季秋而落成上建

龍亭敬供

皇上聖位朝賀大禮儼 天威於咫尺中殿懸示

聖諭朔望宣講期正俗以維風前建牌門俾人知過

永寧縣志

卷之八

紀述

二十五

位必嚴父老子弟出入觀瞻或抄錄以相傳或口誦而心唯無不心領神會將見返淳還樸懋登治化於上理共樂熙皞之 盛世我多士則又尊聞行知明體達用異日為國楨幹以藩王室無非行孔聖之道奉天子之法而乃知

聖天子仁言仁政原欲昌明正學可為法於萬世是殿亭學宮之修建其功為何如耶所有倡捐助修姓名曷可以不銘乎余故樂得而記之非謂余之

能奉行也實以徵我寧邑士民尊

后尊

師之大義耳

明倫堂敬書

邑令 劉德清

聖經記

寧邑諸生修建

學宮

龍亭工竣之後敬書

聖經於明倫堂甬壁之上其首事謝大為尹鳴臯謝

永寧縣志

卷之八

紀述

二十六

玉瑗謝文命周以龍羅文峻竝續修泮池首事謝  
奠邦謝主恩等復求余為序以記其事越稽寧邑  
學宮創自明初迨後灰燼

國朝鼎新復建又因年久將圯雍正五年前邑候張  
公倡修

聖殿

先聖暨 先儒牌位吾邑紳士雲蒸雷動踰年而工  
即成九年首事集同志復捐資敬修

先聖 先賢 先儒神牌十年司鐸黃公倡建 文

文昌閣堂寢大其□丹聖煥其采適畢東齋衙署  
更逢父師蒞任雍正十三年捐俸首倡創建

龍亭宣講

上諭又書 聖經維持聖道且改泮池以利文風願  
乞一言以垂久遠余曰

學宮

龍亭前序已詳而泮池即

學宮內事毋庸悉佈獨

聖經之書原欲使學者咸知修身齊家之要治國平

永寧縣志

卷之八

紀述

二十七

天下之本是不可以不記我

孔子上承

列聖之真傳下開萬世之道統危微精一之旨不外  
誠意之學夫學者所以學為聖賢也學為聖賢者  
所以心乎聖賢之心也諸生縫掖其衣自無不當  
以聖賢之學自命然或一日之間玩愒中乘既不  
能明德又何望新民今

聖天子在上以昌明正學為急務余忝為邑宰竊有  
風勵之責敬書其經蓋欲使諸生登其堂三復之

聖言翼翼然絕玩愒之漸遠淫匪之黨杜悖亂之萌  
定靜安慮至於有得皆盡格物致知誠意正心之  
學則身無不修家無不齊國可治而德可明於天  
下矣此惓惓書經之意實欲為  
國家作人慶也豈僅為朔望講習之具文已耶是為  
記

詳為諮詢利弊以殫興除用期實效事

知縣張

洽山東膠州人

康熙三十一年十二月初三日蒙

永寧縣志

卷之八

紀述

二十八

本府張 信牌轉奉

撫都院馬 憲票內開案據撫州府條陳該屬弊  
端已經禁革緣由業經通飭該府查照各款逐一  
指出限文到三日內詳禁在案至今未據詳報合  
亟查催備票行府即將該府衙門陋弊先行詳革  
所屬各縣如某縣某弊最為病民亟應禁革某事  
有利於民亟應舉行逐一據實指出詳報以憑嚴  
行飭禁倘該府不行指出故為容隱一經本都院  
別有訪聞定將陋弊列款嚴叅該府後悔無及慎

之等因奉此合再查催為此仰縣官吏照票事理合亟查催備票行縣該吉安府永寧縣查得卑縣彈丸小邑處層巒疊嶂之中地瘠民貧從無額設漕糧驛站烟戶寥寥九保乏鷄豚之市一邑鮮布縷之屢誠江右西南第一荒區也職於康熙二十七年二月到任目擊兵燹之餘室無蓋藏野多荆棘於是指天矢日與民休息遂將從前積弊徹底清釐一寧邑共計二十三畝每畝原設畝差一名押催錢糧里長幫貼每名銀三兩不等職到任即

革去不用歲省七十餘金一每畝僱夫一名名曰馬差伺候往來差使扛轎挑擔每名五兩共計二十三名約費一百餘金革去不用一額定本折幫費流水紅簿實征細冊等項前此皆私派民間歲費百餘金盡行革去一田房稅契緣寧邑交易稀少從前俱糧里加增或六十或三十縣官不無羨餘職盡革除就一年□收多寡登填循環盡行批解一每年迎春花紅酒筵及□閣出行各里派設數十金供應職革去又縣官生辰各里公製錦□

弊帛約費四五十金職革去一每逢計典糧里攤派三百餘金又有屬員規禮如典史巡檢教官諸員每人四兩六兩不等職兩值大計槩行禁止一每屆編審寧邑共二百三十里每里舊派茶果心紅紙張銀二兩足計四百餘金職於三十年編審時一切革去自備紙張覓人繕寫冊籍一舊值鄉試之年例派四百餘金為解卷部費試官路費及賓興生員卷貲職庚午入闈自行鬻產措備不擾里民又三年歲科兩試一切棚廠損卷燈籠燭炬

等項每次約費三十餘□□俱行革去捐俸自備以上諸款職可謂寸心無媿然非適逢 各憲臺冰雪清操表正率屬職亦不能特立獨行克遂其志也比年以來寧民頗有起色闔邑士庶屢有勒石立榜之請而職終不敢有沽名釣譽之心令五年於茲矣幸

撫都院節鉞新森釐奸剔弊凡在照臨之下孰不精白乃心仰副 憲臺愛民至意况屢奉 憲飭加意諮詢又見撫州臨江各府條議業蒙通飭奉

行故職敢以革除積弊擇其大者一一詳陳伏祈  
憲臺鈞批曉諭用垂永久俾後來官吏即懷貪墨  
之心亦不得借端苛斂而寧邑百姓永享樂利於  
無疆矣蒙

本府批據詳革除各弊具見潔己愛民仰候轉詳  
竝候

各憲批示繳

布政司批據詳革除各弊具見實心剔釐仰吉安  
府轉飭勒石永禁仍候 撫都院批示繳

永寧縣志

卷之八

紀述

三十一

撫都院批據該縣徑詳條陳革除各款陋弊緣由  
仰吉安府通飭各屬縣將所有前項陋弊一體勒  
石永禁繳

詳為直陳旗口單疲之苦累預籌良民受害之  
隱憂仰請酌奪以無悞漕政事

知縣張

洽

山東膠州人

竊照漕糧係軍國重務駕運須旗丁牽挽責任弘  
鉅計圖萬全必族衆蕃庶殷實老成之人方可承  
充無虞非汎汎單丁疲卒日不聊生得以苟且從

事也江西七十八州縣凡通湖大河地方額設漕糧若干因米設舡隨舡僉丁家習高曾之舊人安職役之常有協濟有贍養相沿已久不為偏枯累差寧邑僻處萬山河狹水淺石險灘高無南兌二米亦無漕舡運軍雖故明崇禎年間廬陵軍丁劉倫扳告核軍分舡訐訟多年拖累數命然自本朝定鼎以來至康熙七八年前疊控疊駁未經添設蓋確見寧邑地瘠民貧不足以當此輓運重任也無何於康熙十年前任吉安府許軍廳委役蕭大

將原發料價造船一隻滿額陞任前任莊知縣申詳三院僉丁不及票行里民代運一次勒提城軍彭欽明龍申尹祖等合三姓為一名頂運當差迄今成例查彭龍尹原非運丁乃故明洪武宣德時緣事發衛充軍後於正統天順年間發吉安府守城之苗裔也職蒞任之始該丁彭龍尹即苦訴飛船栽陷哀乞請詳此時初齊民社以為此刁軍當套未知其困苦至此不敢遽為陳情今備官五載稽諸往牒訪之輿論然後知天下之窮民無告未



有如寧邑旗丁之甚者故敢為詳陳之他邑船多軍衆有旗有散□□出運之人輕車路熟願為旗丁者有之如或領運出漕則散丁共幫協助如或輪流值事亦必貧富相資族衆多寡均派如一寧邑係新僉之軍畏運如虎初運之時三姓尚有三十餘丁雖不此一旗九散輪流領運猶可支持幫協自兵燹之後殺擄殆盡成丁者寥寥十數人年年領運奔命弗遑此其苦於道路者一也以屯田而論如廬陵龍泉二縣其地即在本境地方每年

旗丁領運散丁居守耕種內旣可以養家外亦可以幫運寧邑應分之屯田在龍泉縣西南地界與湖廣桂東接壤相距三百餘里地遠則難於耕穫隔屬則艱於辦糧該丁再四籲請業蒙都院憲批准俯從其便免其分領矣此其苦於贍養者二也又查康熙十年廳差蕭太奉委造船該丁原未經眼板薄釘稀有名無實所以歷運三進至康熙十三年寇變丁逃船擱省城朽壞至十八年奉文提丁賠造幸通邑紳士公議照各縣糧派協濟一百

八十兩該丁鬻賣揭借若干兩賠造一隻歷運五  
進至二十四年沉擱在淮片板不回於二十五六  
年僱運兩進至二十七年職到任又催領料價補  
造以至該丁賣男鬻女力盡筋疲此其苦於賠補  
者三也語云十年生聚案查康熙十年清核三姓  
軍籍計共三十九丁至康熙三十年職編審三姓  
止得十五丁比之當年不唯未增且減十之五六  
矣若遲今不為之計勢必軍盡丁絕貽累地方此  
其苦於死喪者四也然其苦猶在旗丁三姓耳至

其後日之流弊則有不止於此者該丁既已一貧  
徹骨矣萬一有如前飄損之患賠補無出肉不可  
食則必援他邑之例瀆求協濟卑縣恪遵 功令  
自不敢額外派洒紳士灰劫餘生亦不能重為補  
救勢不至挾讐構怨不止則可憂者在協濟又或  
值修艫之期已肉剝盡稱貸無門急需竹木雜費  
不能置辦則瞰他人山場墳塋園林樹木任意採  
取若為己物其或有人攔當阻抑輕則擽己命以  
圖賴甚則持斧鑿以傷人一如逃盜之不可嚮邇

也其為害可勝言哉則可憂者在採伐如現今奉  
運之丁已非當年素封之戶其積年僉報者僅三  
姓中之巨擘耳其實較之他邑運丁皆下下戶也  
久而疲敝之極必至妄行扳害凡同姓不同宗風  
馬牛不相及者窺其魚肉可食始而私下恐嚇之  
繼而公堂指報之曰某係尊長某係卑幼其富而  
懦者希冀遠害央人調處饜其慾而後已其中人  
而有力者甘心對質與之較勝負焉或道廳差票  
一下則赴省赴府其間水路舟車之費居停日用

之需遷延日月刺刺不休及□辨白昭雪則已蕩  
產破家僅存皮骨矣上臺明知其訛詐之弊然迫  
於領運亦惟有仰天長歎付之無可柰何而已而  
況十不直一者哉則可憂者在誣扳計皆不行而  
又不肯隱忍待死則惟有盜賣漕糧棄船逃走一  
法至於逃丁缺糧則波及親戚牽連鄰佑甚至運  
弁代其追比有司受其叅罰此又勢之所必至者  
則可憂者在脫逃寧邑城郭雖小亦有倉庫此三  
姓者皆荷梃守城之人耳自僉運以後守卒無人

俱以僱募門夫代之晝旣不知防閑夜亦不能巡  
察萬一有事為害匪輕則可憂者又在守城種種  
諸害難以縷悉職一介書生寡聞淺見方今軍需  
孔亟非不知為迂腐之談第身為民牧目覩其苦  
逆計其害而不為之代陳請命亦何能靦顏自立  
居於此輩之上哉為此不避忌諱備述其始末緣  
由如此倘謂言有可採伏乞 憲臺酌奪照

世祖章皇帝舊例將許軍廳報造船隻撥入他有漕  
米邑內軍丁奉運其新添彭龍尹一丁准於開除

永寧縣志

卷之八

紀述

三十六

豁免不特三姓子遺沐天地生全之恩即寧邑闔  
縣生靈亦荷

憲臺再造之福矣

詩歌

天池生以山奔海立沙起雷行輒達之於詩得於  
所見也寧雖扃處巖阿而深林迴溪幽泉恠石撩  
眼無非詩料加以懸瀑鳴玉山禽弄篴觸處可發  
詩機緣是韵人騷客多生其間况名勝古蹟經本  
邑茂宰與四隣諸名碩之品題不少然毛詩三百

旨歸無邪工部一集義主憂國茲取關切風化及  
表紀名勝者間錄數首俾後之觀風者採焉

詠八景

邑令 陳欲達

勝業沃壤

昔日甌窶喜滿篝亂離荒草蔽寒陬一時補捄儲  
膏雨三載賢勞掃里愁有地栽麻勤擘績誰家懸  
鍤懶平疇原田每每今如故繡錯相連萬頃秋

陳井甘泉

湧羨人間第二泉城隅古井罩蒼煙一天露冷銀

永寧縣志

卷之八

詩歌

三十七

床凍五夜星明玉桔懸何用丹砂瘳渴病卻如清  
醴佐芳筵逮今好事傳陳媪汲引長源不絕淵

銀岡疊嶂

羣峰兀兀插高岡環擁山城翠色長靄靄煙嵐迷  
嶺嶠層層巖窠入青蒼鴈過頻寄摩空字月上遙  
看挾漢章政暇何時携謝句登臨身在白雲鄉

星嶺連珠

非關玉斗白天傾碧嶂纍纍紫氣橫何處羊髯聯  
絕頂幾翻鯨目映江城磴懸石削凌台次扃倚巖

開送鳥聲光曜於今猶耿耿煙晴踈影上松棚

金馬流清

競傳回紇產金駟飛入寧陽鬪玉花駿骨至今埋  
巉石冽泉猶自浴流霞燕臺往矣漫輕價冀野空  
時仍出注留此遺蹤荒草裏他年展足騁龍沙

玉鵝聳翠

翀舉橫空紫霧騰四圍如畫碧層層斜拖冷雪呈  
銀翅淡抹朝煙隱石稜萬岫縱橫天作檻一崗青  
翠月為朋右軍若使今還在手寫黃庭快不勝

永寧縣志

卷之八

詩歌

三十八

拐湖雲深

擲拐當年事已奇至今爭道有神螭寒淵水碧魚  
鰕現僻徑山高雲霧垂投石一泓靈雨降濯枝六  
月髯龍隨從來祈禱恒如響何異商霖徧四陲

漿山雨意

漿山帝主殿宏開煙雨迷濛護法臺雨若滴鬢隨  
電掣山如爐象倩雲堆滌洄萬壑滙流出滋液千  
邨禱祀來翹跂青巒高峻處泉聲澎湃若聞雷

八景總題

費廣

勝業鄉多沃壤田東家石井湧甘泉銀岡疊嶂千  
重秀星嶺連珠七顆圓金馬流清形礪地玉鵝聳  
翠勢冲天拐湖指在雲深處遙矚漿山雨意懸

勝業沃壤

鄉名勝業勝何鄉未許禾川可頡頏井井耕犁翻  
沃壤村村飲蜡登豐穰排年里巷無飢色自昔人  
家有積倉更荷  
聖朝征税薄萬民鼓腹樂時康

陳井甘泉

永寧縣志

卷之八

詩歌

三十九

縣城南畔夾方塘一脈寒流護石床陳姬烹茶情  
最厚呂仙覆米事非常味甘祇訝泉為醴冷冽渾  
如玉作漿自是鄉民懷舊德至今姓氏誰能忘

銀岡疊嶂

銀岡峭削擁江城疊嶂層巒護永寧數朶芙蓉雲  
際碧幾堆螺髻雨中青晴天彷彿開圖畫白日分  
明列繡屏山頂一湫深萬尺歲時禱早有龍靈

星嶺連珠

七星山擬畫屏開一脈連珠豈浪堆江上巫峰分

伴到天邊斗宿謫居來圓如照乘離隋匣秀比妖  
鬢步楚臺無限光芒韜不盡中宵掩映逼三台

### 金馬流清

天駟何年別渥洼清流曾洗汗駒花石間雙跡苔  
痕沒潭畔崇祠古木遮流水有聲將遠恨清溪無  
影見平沙一從荒塚埋龍骨苜蓿空餘幾歲華

### 玉鵝聳翠

玉鵝山勢玉稜層上接雲霄有路登點點青螺盤  
髻出濛濛翠黛潑空凝曾看蓬島來孤□祇訝滄

## 永寧縣志

### 卷之八

詩歌

四十

溟奮大鵬聞說仙巖丹竈在欲尋仙子學昇騰

### 拐湖雲深

石拐誰投湖水西未能龍化且蟠泥山峩疊嶂遮  
蒼狗泉落平沙映碧蹄飛鳥不知林遠近歸樵自  
識路高低有時出岫為龍去肯使商民日望霓

### 漿山雨意

澗轉崖迴望欲迷空濛深處樹高低穿雲細掛崎  
嶇路出竇爭流曲折溪風外松濤翻翠壑雨餘屐  
齒印芳泥山坳開有祈靈殿薄暮愁聞杜宇啼



詠八景

訓導 唐 禎邑人

勝業膏腴地擊摩萃此疆犁鋤春帶雨蒔插曉分  
秧吐蕙苗抽綠滿篝穀綴黃秋收輸稅後仁粟薦  
馨香

南隅仙覆米泉脈噴瓊漿冷冽香偏美清甘味異  
常往來頻綆汲取用任渠將施受功尤大王明福  
澤長

萬仞重岡聳嵐光映翠屏鉄崖排岫嶂玉壁護林  
垆鳥道連雲鎖龍潭帶霧扃盤回千古秀人傑地

永寧縣志

卷之八

詩歌

四十一

鍾靈

層巒長拱北七凸勢連城龍帶珠來遠星分軫最  
明巫期辰夕映合浦去還清遊賞追前列荀陳可  
再盟

紫麟生大宛何代過蕉陂巨跡遺蒼石花紋漾碧  
漪澄哉流不息潔也遶無涯伯樂今何在清名羨  
伯夷

翠微儕鴈蕩屹立欲擎天雨潤銀毛滑霜凝鐵骨  
堅足臨深豁境頂映沆寥巔浪說黃庭換乾坤鎮

萬年

崎嶇通遠洞，跋涉過重峯。  
振鷺煙迷影，從龍浪滾踪。  
齋淪清澈底，縹緲白騰空。  
勝境湖名拐，波光映彩虹。

迢遞漿山路，微茫漱玉漿。  
岫雲飛澗谷，林雨注田塘。  
霧裡龍吟澤，竹澗鳥韻簧。  
峩峩頻展拜，昭烈古今揚。

踏旱

邑令 鄧璘

為踏災傷觸暑行，宦情羈思共牽縈。  
高低路入山

永寧縣志

卷之八

詩歌

四十二

根險深淺泉通石，竅清帶露閑花皆有色。  
撐天老樹不知名，喜聞到處田家祝盜息。  
民安樂治平

入永寧

參政 陳洪謨  
武陵人

攬轡西風入永寧，山深林密兔狐驚。  
馳驅敢畏王陽道，憂樂真懷范老情人住。  
村墟應務本地聯，邊徼可忘兵秋來。  
農畝多收穫，珍重循良更薄征。  
草樹縈迴石磴盤，仰窺巖穴俯經湍。  
坤維自設西江險，人世虛傳蜀道難。  
滿野黃雲秋正熟，連溪翠草雨初殘。  
地窮車馬從來少，應笑旄倪夾道看。

月課諸生

教諭 董 頰

川岳儲精產俊才  
今朝文運喜天開  
馬求千里從隗始  
夕惕三爻自日來  
精微奧旨宗先哲  
絢爛新辭燭上台  
莫道蘓湖專盛美  
永寧風致亦竒哉

金馬潭

進士 福 林旗峰

金馬何年出潭光  
影動搖海鰲分巨擘  
天駟下青霄  
野老能來此山靈  
或見招春風不相負  
况復值花朝

甲辰春薄選入都  
戒行金溪承下帷  
諸君飲洽

永寧縣志

卷之八

詩歌

四十三

草成一律

進士 龍遇奇 邑人

名山精舍已千年  
紀勝暢遊集俊賢  
往禩車螢曾此席  
今時祖馬仍先鞭  
隴雲朝度鄉關秀  
潭水晴分草樹鮮  
講議其中靈地軸  
蟬聯發軔侍經筵

九日登銀岡山

廩生 李國棟 邑人

九日風高落葉黃  
一尊携屐上銀岡  
巖陰栖鶴松枝老  
泉穴蟠龍雨氣長  
蒼靄山城紅樹暝  
蕭條汀渚白蘋涼  
把萸賸有龍山興  
乘醉豪吟只自狂

邑父師蒞任永寧度七谿險阻

貢生 劉 丹 邑人

峭壁谿成七道路澁如棘信知棟樑材俱為  
聖明出巖谷作坦途川源遠溟渤庶民應子來莫  
畏嶺頭骨

七谿嶺腰有渴虎飲所

劉丹

嶺半有渴虎去泉猶在喜無苛政繁何言周處  
害渡河古所聞化石今不改山君宜斂蹤縣邑多  
賢宰

忠烈謝景亭先生殉難詩傳

兵部尚書

趙煥

國家生魁壘傑特之材不使之鼓吹休明而偏

永寧縣志

卷之八

詩歌

四十四

令其處於艱時困於散地至假途徑以伸在三  
之誼而復試以倥偬投諸鋒鏑危亡之際畢其  
志以行其義者詎其人之數竒哉天實為之蓋  
時非艱不足以別利器地非散不足以昭邁等  
也故吾於景亭謝先生不能不為之三大息焉  
先生偉行雲分至性雪逗獸與賢豪長者遊遂  
從郵使以躋別駕諸君子之序傳悉已獨是其  
英毅傑特而仔肩戎馬之劇簡衆乘城抗安酋  
之披猖似睢陽之耿烈其緹僕請援又似睢陽

之遣南將軍事迨面著賊矢圍潰而授命遡其  
仗劍鼓壯委蛇殉節始終無愧於睢陽也於爍  
哉先生之蹟將與天壤竝永矣不揣下里被之  
聲詩

洵美先生節千古兩睢陽忠義疇不語所難在履  
霜矧以簾幕儔簿牒署行藏而迺冠毘鍔鉄心殿  
危疆彼醜紛若螳黔首吁踉蹌旣乏聲援旅又鮮  
儲特糧先生堅義壘城金池亦湯圍潰歛授命創  
甚鏃之瘡整暇身成仁廟貌鬱松篁夜月芟素友

永寧縣志

卷之八

詩歌

四十五

夢來魂亦香猗嗟丁理亂猶復卹幽芳寄語後董  
狐尚藉益縹緲

七谿嶺茶庵紀事三十六韻

邑令

戴振河

峻哉七谿嶺峰峰如連珠鳥道仰何極絕壑不可  
窺一曲更一上雙足擎支頤俯視百千山羅拜若  
群兒叢莽伏鷲猛道傍餘枯骸招邀結隊伍獨行  
敢者誰蹭蹬欲吐焰匍匐遭鞭笞豈惟嘆辛苦凜  
凜冰淵危焉得五十士削鑿平其陂爰思斬荆棘  
架屋憇氓蚩徑闢竄群毒人稠驅山魑相呼幾白

足憇憑爾當為揮手掉頭去脫兔驚鳥飛謂此蚕  
叢地鑿山毋乃癡有僧自楚來碧眼豎雙眉長揖  
徑前諾此舉我肩仔手持三尺鏹直搗虎狼居丁  
丁伐薪木登登築重基堂廡既爽塏壇壝肅威儀  
譬比海蜃樓空中現罽毼昔無今忽有靈境匪夷  
思冶金鑄佳粟莊嚴列尊彝洪鐘振巖谷幽溪舞  
蛟螭杖當撥泉眼涓涓清流澌一泓挹可酌茗椀  
供路岐勞者得以息枯者因而滋老幼互雜沓晨  
昏紛如絲頓忘昔日□□夫相嘻嘻豈知老瞿曇

永寧縣志

卷之八

詩歌

四十六

經營盡錙銖既捨優鉢米亦捐貝葉貲兩年摩踵  
頂茹茶甘若飴只此足萬行何必安心思造物若  
相予鶴鳴子和之不然一東郭隻竿焉能吹剗業  
期望後善人天方詒定知後來者十倍勝今茲  
庚午冬仲自永新行部至永寧七谿嶺道中作

荅南沈作朋

本郡太守

出守廬陵甫浹旬褰帷下邑訪輿情山從秦棧雲  
中度人在張超霧裏行五馬不須煩鼓吹雙鳧先  
自引絃聲萬峰翠繞千塍綠舊德依然啓後生

鵝嶺道中作

漫擬王尊叱馭勤懸絙高嶺絕塵氛舉頭天際橫  
蒼壁回首人間盡白雲怪石崩崖疑虎踞喬松溜  
雨作龍文行人莫說山行苦還仗山靈放夕曛

登金馬石

鷲雲樵峯 曹志周

地闢露雲根矯矯金馬名不知幽谷裏聲氣出神

京

望玉鵝峯

青天下尺五峯頂白雲多日暮蒼烟裏春風舞三

永寧縣志

卷之八

詩歌

四十七

鵝

碑文

邑侯張公諱洽字仲和號滄厓山東萊之膠州人  
舉丙辰進士以中行改授寧邑其為治也精明而  
藏於渾厚大才而出以小心仁育義正政通人和  
朞年而頌作三載而績成兩舉卓異一薦行取咸  
格於例未果各上台交為我公惜我寧民獨私  
喜曰天其留滯我公於茲邑以惠我蒼赤乎今癸  
酉之秋再值行取大典我公廉能益著實大聲宏  
督撫兩院以我公治行第一交薦命下取入京師江

永寧縣志

卷之八

張公碑文

四十八

右熙然為台垣得人慶我寧民父老子弟皇皇然  
如嬰兒之離慈母也攀留不可得共謀所以垂久  
遠者請鐫公之惠政於石以昭令德而紓吾民拳  
拳之思可乎公蒞任在康熙二十有七年當是時  
寧民新離兵火田疇蕪矣廬舍墟矣哀鴻在野而  
夫婦仳離其居者皆子遺之餘也司牧者不撫循  
是務而橫斂以重困之哀我瘁人幾不復知有生  
民之樂矣公下車之日緩催科均徭役興學校勸  
農桑撫流移恤鰥寡從前耗費之厲民者細大畢



除爰進耆老而告之曰爾其寬期備賦毋缺於正額爾其力農惇行毋囂於鬪爭子弟之秀者為爾獎成之其不率者為爾督教之於是講約興行衡文課士或有冤抑片言折服請託不行豪右屏跡六年之內竝無出境越訴者我寧民沐浴膏澤休養生息農耕於野士業於學石堵興而田野治絃誦之聲相聞即張堪之治漁陽魯恭之宰中牟不是過也公啓行之日圖書而外囊篋蕭然我寧民父老子弟奔擁馬首跪奉一卮戀戀不忍去公亦

永寧縣志

卷之八

張公碑文

四十九

惻然動色以孝弟力田相訓勉藹如之言依然父母孔邇也我寧民其何能須臾忘我公也耶夫寧雖蕞冉邑僻處山巖然瘠土之民勞勞則向義第自本朝定鼎以來五十餘年長吏陞遷無聞視為畏途動以抗糧健訟為詬病獨我公以清華世胄英敏少年高懸魚素絲之風施易直寬和之政征徭無逋訟獄用稀遂用治行高等入為公輔開後賢以升庸之路昇寧民以易治之名是則人傑地靈而寧民否極泰來之侯也往古南陽之邑召

杜相繼番禺之長陳邵接踵竝以循良奏最顯當時而光史冊使後之司牧者以公之心行公之政民氣和樂天休浣臻 內召之榮將與我公而媲美矣是則我寧民之私願亦我公所惓惓於寧民而厚望者也爰刻德政於左

一徵收錢糧從前每托公費名色額外加增公悉照由單從無一毫加派

一每年推收定於年終三面過割無遺漏飛洒之弊

永寧縣志

卷之八

張公碑文

五十

一寧邑二十三圖每舊僉差一名押催錢糧里長幫貼每名二三兩不等又設哨長二名賣差分肥公悉革除

一徵比錢糧舊例止春夏兩限洗戶全完以致民無餘力箠楚不堪今每季分為三限民間樂輸一邑沾恩

一永寧舊於迎春日現年歛費製備銀花酒筵等項又於先年臘月按糧多寡備禮餽送公悉禁止一本拆幫費流水紅簿實徵細冊紙張等項從前

皆行私派公盡革除

一每逢計典糧里灘派 張爺到任兩值大計槩行禁止

一每屆編審寧邑共貳百叁拾里每里舊派茶菓心紅紙張貳兩 張爺於三十年編審一切革除自備紙張覓人繕寫冊籍

一舊值鄉試之年入簾例派簾費公庚午癸酉文武兩闈自行措費不擾里民

一朔望保正例呈弭盜甘結經承需用費并每

永寧縣志

卷之八

張公碑文

五十一

年給帖科派烟戶公悉禁止

康熙三十三年四月 吉日闔邑紳衿軍民公立歲甲戌

仁侯戴公繼 張公之後來宰吾寧方是時寧民心竊憂之意後來者未必居上也幸運際昌明俗當熙皞神明之宰循良之牧接踵而至下車以來目擊山城遂焚香約誓與民休息其為治也寬而仁廉而明惟推誠勞來諄諄以德導化譬如陽春四布土膏滋潤勾萌甲拆皆含生意沐膏澤而咏

勤苦於今五年無何以讀禮當代聞報之下雖深山邃谷嫠婦稚子無不歔歔泣下如哭其私親越三日聚數十百人雲集響應買舟裹糧豫章八百里伏轅門呼籲 撫軍暨 藩臬道府各憲願乞戴君復留朞年詞甚懇 撫軍諭戴令賢聲久已上聞但新舊無交代例慰而遣之趣之歸遂踉蹌還邑計不知所出群搶地大呼曰我 公之轅不可攀矣而我公之精神德意曷忍忘諸請壽諸石群應曰善公戴姓諱振河號開亭浙江湖州之德

永寧縣志

卷之八

戴公碑文

五十二

清人戊辰以進士起家文名震天下醞釀六經胸羅子史本聖賢心行聖賢事素凜元公無欲之教蓋無欲則心清心清則智出正供之外不索羨餘儉於自奉不尚歌筵不喜華靡衙齋之靜至可羅雀一時之民耻於為非間有忿爭以理論之以情恕之不事繩朴惟從容開導鼓動其良知良能之性或遇愚頑蒲鞭示辱而已所以經年來不聞拘繫一人桎梏一民花落訟庭草滿犴扉寬厚澤物雖云天性抑學問之力也衙鼓三通之後竟鍵戶

讀書按季衡文手自裁定或與諸生執經對講剖  
疑解惑條分縷析不以己之智而棄人之愚不以  
己之賢而棄人之不肖昔韓昌黎守潮命趙德為  
師一時潮人皆篤於文行夫非上之人有以作興  
而鼓舞之乎蓋公以慈祥之性盎然流布一民  
饑曰我饑之一民寒曰我寒之救災恤患扶危濟  
傾貧不能殮者公為之施棺木而枯骨蒙恩矣  
病不能起者公為之投良劑而沉疴頓甦矣覩七  
谿為新寧之險隘公為之建浮屠而往來有濟

永寧縣志

卷之八

戴公碑文

五十三

矣碧亭為一邑之水口公為之創僧院而頽波  
力砥矣諸如種種惠政雖借天作紙難盡枚舉則  
後此無已之思又不知何如也嗟乎民誰無良惟  
上所感自官以民為郵民亦以官為郵世無文翁  
未可望僻陋之更化也世無魯仲康未可期豎子  
之有仁心也世無宋九江卓子康未可冀暴虎之  
渡河與蝗之不入界也但使後賢追踪芳躅不改  
成轍則循良代撫炳蔚寰區民生其時康樂和親  
抑何幸哉異日者里居服闋

天子內召絳節鳴驄建牙章江和風甘雨首及吾寧  
此閭閻綢繆展轉之隱念吾寧雖借徑亦捷徑也  
言訖為之歌曰

維我戴公 保我黎元 心勞撫字 毀方為圓  
飲冰茹蘗 僅嘗鄭泉 兩袖清風 囊橐蕭然  
歸裝束擔 天竺一硯 五老峰下 買石以鐫  
世世祝之 永矢勿諼

康熙三十八年春月 吉日闔邑紳衿里民公立  
善政美蹟不能殫述

永寧縣志

卷之八

任公碑文

五十四

公諱倫備號金壇康熙丁卯舉人辛未進士河南  
河內人也己卯秋來宰吾寧慈惠存心澹泊鳴志  
愛民重士簡刑息訟寓撫字於催科藏精明於渾  
厚不徇一情不枉一法一意噢咻歷十年如一日  
茲奉 銓取晉登 銓曹善政美蹟弗克殫述爰  
撮其大要勒諸貞珉以誌民不能忘之意云爾

峕

康熙四十八年己丑歲三春

吉日

闔邑紳衿里民公立

鬪伯陳公祖老爺諱良德號漢公奉天撫順人也  
家世簪纓曳青拖紫者勢如萬笏元龍百尺氣貫  
長虹仲舉雄圖志凌霄漢 朝廷知其才擇一劇  
郡督糧我吉專司漕政比年以來徵收宿弊為之  
一洗闔邑之人久已饜飫其膏澤矣然想望其丰  
采欲實被其惠愷而不可得己丑春忽奉

憲命兼攝寧邑寧之人士且喜且驚私相揣摩曰  
攝篆與久任異公祖之攝篆與父母之攝篆異况  
公以英敏妙齡清華世閥巖邑借萊公之鑰烹雞

永寧縣志

卷之八

陳公碑文

五十五

屈函牛之鼎區區山城烏足以當其一盼乎何幸  
下車以來日擊彈丸諮訪利弊不事更張與民休  
息值東作方興喜雨暘之時若卜時和而年豐入  
境數語群知我 公為留心民瘼者矣開徵錢糧  
先較法馬不溢錙銖不爽毫釐從前之高下其手  
者無所容其弊且勞心撫字緩於催科雖劉寬蒲  
鞭亦無所用常平倉廩為 國家之積貯司出納  
者未有不緣此為利權盈縮計低昂獨我 公於  
交代之際但會計其成數念一顆一粒皆小民脂

膏無一毫利己損民之念使馬如羊不入廐使口如粟不入懷張奐之高風今復見矣且也簡騶從無供億之煩惱舖戶無取辦之擾日用菜蔬皆照時值澹泊鳴志不需珍異差不下鄉票無輕押雨後有人耕綠野月明無犬吠花村猗歟休哉兼捐俸以興義學時臨軒而講六條貴而不驕謙而無傲崇禮優貌敬賢下士上下有章也體統有別也善氣迎人藹若春風執法不撓凜若秋霜間有鴛鷺亦自讐服地方享寧謐之福百姓沐安堵之休

永寧縣志

卷之八

陳公碑文

五十六

甫三月而章甫之謠作矣寧邑老稚群以手加額曰攝篆之不啻久任也公祖之攝篆愈於父母之攝篆也仁心仁政喜出望外咸思

摩石鐫碑以志不朽或曰數月之利不瞬息間耳然過化存神時雖數月而利可周百世今鶯遷將屆公仍司農我吉而寧民戀慕之懷咸欲私公而不能也雖然周公居東東人私之私之以我覲私之以之子又私其袞衣繡裳無使我歸其實公孫碩膚四國是皇天下猶東也况永寧為吉□



之屬邑獨被其澤何若共□其澤東人不能私周  
公寧邑又烏能私我 公且公之才□久□  
□眷異日□□□裳入告

天子則 公之□雲甘雨姑濡吾寧依依在咫尺間  
也

康熙四十八年仲夏月 穀旦

□邑紳□里民公□

昔陸景初先生□□政尚寬簡正本清源不事□  
切厥後汝□公去任送車二乘曰吾祖□□□□

永寧縣志

卷之八

陸公碑文

五十七

一乘而圖□□之吾二乘□□□逮由是觀之寬  
與廉詎非□□之□□哉我寧地僻民樸康熙□  
十一年適逢

陸竹菴翁□騰鷺先生蒞任 公□出西□系自  
梅關掇巍科□名區展一籌□□□寧之人心竊  
儀之曰其有□□初先生之宗□乎其殆汝洲公之  
復作者乎但□□其政而□□之恐□所望閱一  
年而

公之善政不勝紀焉閱數年□ 公之善政不改

其初焉錢糧民膏□□□□□□□□□□□□□□□□  
之擾積貯民食攸關也□□□□□□□□□□□□□□  
周人才為邦家楨榦捐□□□□□□□□□□□□□□  
著儉樸為廉吏苦節□□□□□□□□□□□□□□□□  
恤非無刑威鞭朴之下不□暴厲恣□□有□咤  
董戒之餘類多易直子諒而□□受□與一介不  
苟而且恭儉莊敬虛懷善下而□勤□□□□□□□□  
悉備時但旱魃為□多□而□□□□□□□□□□□□  
□□減□而□食□□□□□□寧賢□□□□此是□

永寧縣志

卷之八

陸公碑文

五十八

今之景初先生與今之汝洲公□正□□□□□刑  
尚德陸氏之家法非我 公其誰嗣之□一旦解  
任士之衣冠拜□者曰 公教澤我也□之羔酒  
是獻者曰 公含哺我也商賈相與泣於市行旅  
相與攀於途

公於民依依不舍民於 公惓惓難忘恨不能牽  
袂留之長作召父於吾寧區區貞珉聊以誌勿翦  
勿拜之念於弗諼云爾 峕

康熙五十□年仲夏月

吉旦

闔邑紳士里民公立

永寧縣正堂加五級紀錄四次張 為已蒙仁侯  
嚴革籲 上憲永禁勒諸貞珉世守德政事據闔  
邑紳士里民等具呈前事竊查寧邑乃江左邊幅  
山廣人稀土瘠民貧卑職於康熙六十一年到任  
以來因地酌宜悉心籌畫有利必興有害必除凡  
關國計民生之事靡不竭蹶舉行誠以為百姓免  
壹分外費即可留壹分正供也查從前相沿陋例  
有由鄆縣肩茶入境額有茶課之稅按觔徵收每

永寧縣志

卷之八

張公碑文

五十九

歲不下三四十金又有塩舖小販按月納塩五包  
按季繳塩規十餘兩每歲亦有七八十金再薪米  
為日用必需原向里民輪買無如僅有給價虛名  
實飽督催私囊并取辦雜貨什物及領柜拆封禮  
等項以上數條皆為民累卑職目擊情形盡行禁  
革所需薪米塩斤燭肉油紙等項俱照時價平買  
非以釣譽沽名正為撫恤殘黎邇來返澆歸淳士  
暢民樂錢糧歲內全完積年絕無拖欠地方漸有  
起色矣但念一法之立即有一弊之伏閱時經久

初意漸失恐有奸牙地霸蠹胥人等仍借當官名色欺騙鄉愚亦未可定理合據情詳懇

憲台嚴加批飭勒石永禁以垂久遠以協輿情惠此元元長沐 憲澤於無既矣詳開所革陋弊於后

一革塩規 一革茶稅 一革月米柴薪

一革桶上領柜拆封禮 一革練總盤倉禮

一革取辦舖戶肉油紙燭等項

一革取船柴苧蔴 一革稅契每兩外費壹分

永寧縣志

卷之八

張公碑文

六十

一革點換陰陽僧道會等例板扯禪門

一革單頭領柜拆封酒禮各項

奉

府主鄭大老爺憲批如詳勒石永禁繳

並誌

署事王老爺實在盡革德政

雍正七年六月 吉旦闔邑紳士里民公立

永寧邑侯奚父師老爺諱璞成號質齋江左常州

江陰人也乾隆己未秋奉 簡命來宰吾寧越今

九載矣侯秉性慈祥宅衷坦易其懿行善政有難以縷言者寧邑高踞萬山城小而僻官舍不數椽侯不以為陋盤餐鮮異味侯不以為荒士民猝相見衣冠宰都麗侯且愛其樸每巡行勸課所至居民蔀屋中輒响响喁喁如慈母然維時童叟環聚喜得見長官皆曰召父來矣杜母來矣侯因覩窮簷隆冬衣悉單袷即出錢募機師教以紡織視民有菜色即請上發倉賑貸山多荒穢即課民斬伐歲植松杉桐竹民有虎患即督師驅逐虎患頓息

民有疾厄即廣施藥物詔以增減良方侯非心乎吾寧惠政有此綿綿耶語其大者平反要囚大書獄空撫字催科敲朴不事禮聘名賢以課儒生繕寫風俗利弊以陰易民間惡習詩曰豈弟君子民之父母記曰豈以強教之悌以悅安之惟我侯有焉無何歲丁卯仲夏公有事萬安乘小舟往來蒙霧露中傷成疾闔邑士民驚相告莫不竭誠禱諸神靈不應遂弗起訃上達太守張公潛然垂涕不視事已乃屬書本邑廣文先生為我寧抱痛然公

雖痛焉知我都人士所以痛侯者如此其深且□  
耶今者鶴駕將返欲盡言曲形我侯強教悅安之  
情狀不能抑且不願謂是詹詹者媚上虛文耳然  
竟緘不一言是謂吾寧樸而不能文也是謂吾民  
有德不知興感也是使後之為政者無由踵厥美  
也彼頌三善稱三異伊何人耶因述梗概鐫諸貞  
珉以志遺愛且以告後之人

乾隆十三年夏月 日立闔邑士民公立